


publica Processione multitudine innumerâ
comprecantium circumferri, ac ad Templum
R.R. PP. Ordinis S. Benedicti ad Scotenses por-
tari ipsa vidit Civitas Univerſa.

Alia demum ejusdem Thaumaturgæ Vir-
ginis prodigioſa Statua, & per alias nota terras
in *Hiezing* / non procul à novo Romanorum
Regis Palatio in Templo pro hominum affluen-
tium multitudine nimium anguſto conſpicitur,
quæ à pluribus R.R. DD. Canonicis Reg. Clau-
ſtro - Neoburgensibus Ord. D. Aug. hîc habi-
tantibus adminiſtratur.

Plures tam intra, quàm extra Civitatem,
& ſingulis propè in Regularium Templis Divi-
næ reperiens miſericordiæ, quæ per Matris ſuæ,
aliorumque Sanctorum Icones, & Statuas libe-
raliſſimè profundit, argumenta, quæ tamen
quia copioſa nimis, ne moleſtiam cauſemus Le-
ctori, prætermittimus.



TITULUS VII.

*Officinæ variæ, Campſores, &
Aurarii.*

Quamvis communî bono utilitatis, Ci-
vitatibus, imò & Provinciis integris
splendoris afferant commercia publica,
& Mercimonia, teſtantur adhuc hodie tot Res-
pub-

publicæ in florentissimum Statum evectæ, ditata æraria, Principes, & Cives locupletati, ut ob id inutile fore judicarem, si pluribus id ostendere laborarem : vel sola Vienna nostra ad eas provecta opes, & opulentias, eoque conspicua honore, & gloriâ id abundanter ostendit, quam, quodd futuris conservabit temporibus, argumento sunt, tot Mercatorum nobilissimæ officinæ, quot in aliis etiam amplissimis Urbibus vix reperiēs; nam si eas tantum, quas muri Civitatis includunt circuitu, computemus, numerum sanè non exiguum inveniēmus. Introducta autem sunt Mercimonia hanc in Viennensem Civitatem, ut inquit Lazius l. 2. c. 8. an. 1100. quæ tamen ob concessa à Ducibus suis maxime Leopoldo VI. Privilegia varia anno 1200. florescere magis, ac magis inceperant, donec ad statum hunc, quo jam ea vigere videmus, pervenerunt. Et, ut ab iis initium faciamus, in quibus merces non quidem per officinas publicas venales quotidie prostant, sed à quibus mercatores cæteri, quibus emptas mensurâ, vel pondere distrahere mos est, ac ulnatim, libratimque vendere, res coëmunt, & quos idcirco vulgus *Wiederläger* appellat, quadraginta & octo numerantur eorum officinæ, una in busto (*Brandstatt*) in foro Judæorum binæ, in *Bienmard* 4. in aula una, in *Wolzeil* duæ, in inferiore Pistorum platea 3. in plateola S. Crucis 1. in veteri lanionum foro undenæ, 7. in Carinthiaca, in foro alto 1. In aula cui à *Gundl* nomen est, quæ

quaternæ, in fossa 1. in aula Kelleriâna duæ
in vetere Rusticorum foro octonæ.


Aliæ Mercatorum pannos, sericeâsque
materias secundum ulnas divendentium officinæ,
quas idcirco **Tuchlâden** nuncupant, recensentur
in Cœmeterio S. Petri septem, in plateola
Virginum binæ, in foro novo 1. in Carin-
thiaca 15. in foro alto 10. in **Tuchlauben** 8. in
foro herbario 12. in foro Carbonario 1. in vete-
re Rusticorum 2. quæ numero suo conficiunt
58. Aliæ in quibus aromata, aliâve distrahuntur,
& ob id officinæ aromaticæ dicuntur, diversas
per plateas & fora habentur 49. in platea **Wip-
plingana** 1. in aula 1. in **Haidenthsch** 1. in fossa
profunda 1. in Cœmeterio S. Petri ternæ, in
plateola, cui à piliatoribus (**Hutstöpfer**) no-
men est una, in foro novo itidem una, in **Wol-
zeil** binæ, binæ etiam in Pistorum inferiore pla-
rea, in plateola ad S. Crucem totidem, in lanio-
num vetere foro non pauciores, in Carinthiaca
decem & sex, in foro alto 4. in **Tuchlauben** ter-
næ, in fossa quinque, in Carbonario foro una,
& tandem in vetere Rusticorum foro ternæ.
Officinæ eorum, quos vulgari nomine Materia-
listas compellant, qui res varias pretiosas omnis
fortis distrahunt, sunt ad Portam Paulanam 1.
in Carinthiaca binæ, binæ item in foro à fossa
dicto, & 1. in Cœmeterio S. Petri. Officinæ,
ubi res ferro elaboratæ venduntur, & quarum
Mercatores ferrarios (**Eysler**) nuncupant, in
platea Carinthiaca habentur 13. Librorum of-
fici-

ficinæ, quibus Bibliopolæ præsent, tredecim
universim per Urbis districtum computantur,
in platea à S. Dorothea dicta 1. in busto 1. in
claviariorum platea 1. in Coemeterio S. Petri
1. in *Bienmarck* 2. in plateola pileatorum 1.
in Carinthiaca 1. in foro ako 1. in fossa 1. in fo-
ro Carbonario 2. intra catenam 1.

Sunt & officinæ aliæ his inferiores propè
innumeræ per plateas omnes dispersæ, eorum,
qui auro argentoque sericeæ materiæ intertex-
tas res distrahunt 20. qui diversa vestimenta se-
ricea tam acu picta, quàm contexta unà cum
pretiosis ligaminibus vendunt 63. Qui Telæ
diversæ fortis monopolia tractant 21. &c. sed
hæc omnia attingere potius, quàm fusiùs enar-
rare placuit.

Neque hìc prætereundæ sunt officinæ eo-
rum, quæ auro argentoque divites, tam arte,
quàm pretio celebres in se continent, raræque
merces; qui iis præsent, communi voce Argen-
tarii, vel Aurarii (*Gold-oder Silber-Subi-
lier*) nuncupantur. Primariæ sex recensentur
in foro Carbonario non procul à Porta Paula-
na, altera propè aulam Cæsaream, tertia in
S. Petri Coemeterio, quarta in foro ab aula an-
tiqua dicto, quinta propè domum Professam ad
Serpentem aureum, sexta in via lucida. Con-
tinuamus titulum istum referendo domus eo-
rum, quos Campsores nominamus, quorum
quia indies ita augetur numerus, ut certus de-
finiri nequeat, eos hìc solùm adducemus, qui
alio-

aliorum opinione habentur celeberrimi, & quorum nomina aliis etiam in Provinciis magis habentur familiaria, & famosa, ut sic nulla ex parte destituamus Lectorem in iis, quæ eum pro Viennensis Urbis gloria summopere nôsse juvabit. Bini in vetere Rusticorum foro inveniuntur, in fossa unus, in inferiore Pistorum platea alter, alius in S. Petri Cœmeterio, in aula quapiam *Söderlhof* dicta item unus, in Corona Regia (*Landscron*) unus, è regione Sancti Stephani unus, alter non procul ab eodem S. Stephano in domo à potu Turcico Cavè celebri, alius aulam Gundelianam, alius Kellerianam, alter demum Ratisbonensem aulam incolit. Tandem ad Titulum istum reducimus domum Monetariam, tum illam, quæ intra Civitatis muros non procul à S. Stephani visitur, tum eam quæ extra muros in Civitatis fossa est sita, in hac argenti, aurique metallum in massam liquefit, & debitè ad Monetariam formam recipiendam disponitur, in illa verò ipsa pecunia, eaque tam aurea, quàm argentea efformatur: præ reliquis videre arridet aureorum, Imperialiùmque, utpote quorum labor est major, efformatio, licèt utrumque non cum exigua delectatione, & admiratione intueamur.



TITU-